

Celebracion di Carnaval lo bira algo grandioso

ORANJESTAD(AAN) -- Tur cos ta prepara pa un biaha mas Aruba bay celebra su conocido y mundialmente Carnaval, Diahuebs awor, cuminsando pa 9'or di anochi dilanti di e hotelnan grandi na Palm Beach.

E interes di e participantenan ta creciendo dia pa dia y mas y mas ta inscribiendo sea cu disfraz di e aña aki o cu un cu nan a usa den añanan anterior.

Lo bay tin competencia incomparable, jamas ofreci na Aruba, entre e diferente bandanan musical cu lo ta staciona na banda di e ruta.

Hotelnan lo percura pa benta di bebida y cuminda na prijsnan economico pa e publico cu lo bin anima e carnaval.

E interes di e gruponan participante ta grandi y ya a inscribi: Esso Club, grupo John Flemming, Silvia Lourens, Maritza Reyes, Savaneta, Los Laga Bay, Art Photo, Noord, grupo di Papito, Santa Cruz y e anochi di celebracion lo ser clausura cu e parada di luz di Aruba Tivoli Club, cu lo presenta diferente di su piezanan ilumina.

E gruponan ta haci un suplica na tur nan participantenan pa

tuma parti na e celebracion di carnaval pa mustra mundo cu nos ta keda e number uno den mundo.